

XX 79

# QUÆSTIO MEDICA.

QUOD LIBETARIIS DISPUTATIONIBUS,  
manè discutienda in Scholis Medicorum, die Martis  
vigesima-octava Februarii.

M. FRANCISCO VEZOU, Doctore  
Medico, Præside.

*An vires consociare amant opium & Chinâ Chinâ?*

I.

**V**ITA hominis à calore, calor à motu, calor, motus & fermentatio reciprocantur. Ex felici elementorum discordia, felix fermentationis opus, hæc est motus intrinsecus partium activarum mixti; fermentationi suum debent ortum, incrementum, conservationem & perfectionem vegetantia, ut & animalia. Qui fermentationem, aut febrem putredini jungit, tigres jungit agnis, ubi incipit putredo desinit fermentatio; fermentationem inter & effervescentiam nihil discriminis comperies, nisi ludere in verbis sit animus; fermentatio à fermentis; fermentorum omnia plena; sua sunt rosis & pomis: si bene calculum ponas, nullam vim activam in fermentis invenies; Dum hæc servant naturæ leges, constans est & perpetua functionum integritas, si anomala, morborum nascitur ilias: horum medicina vindex, triplici utitur instrumento, diætâ, legitimum usum rerum non naturalium præscribit, chirurgiâ, manu medetur, pharmaciâ, sæcunda remedium segete locuples, parabiles medicamentorum divitias subministrat, quorum alia simplicia, alia composita, illa propriis viribus agunt, hæc similitudine substantiæ & virtute consociali præstantiorem ferunt opem.

II.

**M**ORBI oriuntur ab aëre aut ab alimentis; non facile dictu quot ex his fontibus derivatæ clades; fatalis spirandi necessitas eo majorem inurit visceribus labem, quo magis ineluctabilis; spectes aëris inclementiam, tempestatum vicissitudinem, locorum, & regionum varios soles, & cum male sanis consortia, fateberis. vitales quas Carpinus auras mille modis inquinari; quid plura, aër est primum vitæ pabulum, & primum movens, nec secus ac moletrina aventis aut à fluvio, sic Corpus movetur ab aëre vim suam elasticam sanguini & humoribus ministrante;

Procul hinc novatores, qui machinæ authomatiam, aut proprium motum assignant. Ab alimentis non minor noxa, plures occidit gula quam gladius. Alimenta sunt vel pravi succi, inde nutritiones pravae, Cachexiæ parentes, vel succo uberiori turgent, & oneri sunt naturæ, ab his plethoricæ Constitutiones, habitus athletici periculo pleni, quicquid enim ad summum pervenit, properat ad exitum. Nemo nescit, quanta nocumenta ferant edulia varia hisce præsertim temporibus, quibus non vivitur dapibus inemptis, sed simul alis miscentur elixa, simul conchilia turdis. Ab insana comessandi libidine, præceps senectus, indomitæque mortes; sed his medicina cælo delapsa moras innectere docet. Priscis sæculis victus erat simplex, ideo medicinâ simplex & fere tota herbarum potentia subjecta, suæ vires erant cichorio & lactucæ, salvia erat salvatrix, morborum Conciliatrix, dicebat borrago gaudia semper ago, sed quia ætas parentum pejor avis tulit nos nequiores; glande non contenti, curiosi simulantes baccanalia vivimus, intricatiores fuere morborum causæ; medicina, herbis non neglectis, alia quæsit remedia, ab ibi & hyppopotamo edocta, venæ sectionem & purgationem instituit; In dies vero gliscentibus malis, medicamentorum vires scrutando, alia aliis prudenter sociavit, cassiam cum manna elixavit, ut cassiæ stimuli, manna dulcedine inescarentur, flatulentam sennam cinnamomo castigavit, confectiones composuit purgantes & alterantes, antidota præparavit, opium chinæ chinæ connubio junxit stabili, ea lege, ut opium quibus insignitur doribus, volatilitate, amaritudine oleositate &c. vires corticis peruviani augens, acida febrium fermenta obtunderet, & compositis motibus domesticis, febrium symptomatis & ipsis febribus placidam afferret medelam.

## III.

**O**MNEM medelam ordiri ab amuletis, magnetismis, imo à specificis Opio & china china, agitarum est, sapientis Medici, naturæ motus auscultare, morborum arcana Sagaci indagare animo, à juvantibus & lædentibus sumere indicationes, neque ulla moliri curationes, omisiss universalibus præsidiiis, venæ sectione & purgatione. Sanguini in vasis luxurianti, aut stabulanti debetur venæsectio, hæc est plethora, huic soli convenit hoc præstantissimum remedium, purgatio cacochoymia medetur, hic sollicitas age excubias, ne inter moras effluat occasio, turgentibus humores expurgandi, sæpè enim turgent, his in oris ubi parum sudatur, & genialiter vivitur. Sobrietas gallorum gula est græcorum, ideo nos urget purgandi necessitas, neque te teneant fictitia qualitates irritantes & malignæ. Verum non omnes morbi hisce præsidiiis cedunt, febres pertinales puta, quarum parentes impuri succi, & acida fermenta, inde sanguis valde depauperatus: venæsectio sanguinem pauperiorem reddit, purgatio domesticos lares turbat, intrudit succos malè moratos in sanguinis massam; Has sanare cupidus, in operis societatem accersat opium & corticem peruvianum, inter se longum & durabile fœdus inierunt; sunt enim congeneris substantiæ, cortex amaritudine pollet, abundat resina, opium est amarum, resinosum, sale viget volatili, hac parte palmarium est, in

3

tenui labor, sed tenuis non gloria: pars opii volatilis, tardiori resina corticis febrifugi sociata, miram conciliat humoribus tranquillitatem, tardiores sanguinis motus facile ciet, longas alveorum & alveolorum ambages, viasque perlustrans, dulci diaphoresi materiam febrilem expellit, & crassam sanguineam massam restituit.

#### I V.

**I**N America Peruviana reperitur arbor, incolæ *Gannaperide* vocant, vulgò China China, hæc non est procera, sed in ramulos insigniter divaricata, folia habet instar prunorum, floribus albis & cæruleis ornatur, nullum fructum parit, quasi in pompam unicè cum tanta florum copia nata fuisset: cortex compensat fructus, est enim summe febrifugus, in sanitatem gentium à D. O. M. conditus, unde arbor vitæ si quæ alia, jure merito dici potest. Ex hac arbore exudat resina, & prodeunt semina, quæ etiam vim febrifugam habent; ceteræ arboris partes, tamquam inferioris energiam parvi penduntur, ut ipsi cortici tota laus assignetur. Opium est succus stillans è capitibus papaveris fere maturis, græce dicitur *ὀπνιον* succus per excellentiam, abundat oleo, spiritu, & resina, valde est inflammabile, odore grave, sapore amarum, multis in locis nascitur, melius in Ægypto; sed heu non nobis stillat! solus mæconii conceditur usus. Variæ sunt opii præparationes, spiritu vini dissolvuntur partes oleosæ & spirituosæ, aqua, aquæ & salinæ: opium soporem sæpe inducit, interdum vetat, valde est diaphoreticum; his virtutibus pacatos regit humores, & cortici peruviano socium, vim ejus febrifugam mirum in modum juvat. Amara sunt alia plurima febrifuga, quæ vi pollent exphrasticâ, abundant enim partibus alkalinis quibus obtundunt acidorum aculeos, unde febritum mala progenies, obtusis acidis, anomala cessant fermentationes, & humores concreti liquescunt, partes sanguinis spirituosæ liberiores habent expansionem. Post fermentationem vinum amarescit, acidis subactis; vis musto ebullienti fræna dare, amarum injicito? ex tribu amarorum, Centaurium minus, Gentiana, Juniperus non mediocriter symbolum cortici peruviano conferunt.

#### V.

**B**ENE valere nihil melius, satis norunt qui non prosperæ sunt valedudinis, perpetuè conqueruntur de sortis humanæ ærumnis, quasi nescii, in eorum solatium creasse altissimum pharmaca terræ; felix qui eorum vires & morborum potuit cognoscere causas; felix qui reconditas opii dores propria detexit experientia, easque per analysim nos docuit, non minus felix qui corticis peruviani virtutes innumeris demonstravit experimentis, quæ deinceps ratio fecundavit, mireris quam celeri gressu, per omnes terrasque tractusque maris iverit fama corticis saluberrimi; sed mirabere magis, quantæ rixæ super hoc debellatæ sint, & quot convitiis, arbor omni invidia major, lacerata, quasi ex hac fabricatus equus trojanus flammam vesuvii æthæque ignium æmulas, ad totius orbis conflagrationem evomeret, O Pudor! O gens imperita aegyptiarum, probrosi altior medicinæ ruini! An Medicinæ procures præjudicio hypo-

rationibus: neque enim serum intimè unitur sanguini, imo facilè ab eo secedit, ut patet ex illius vel unicâ missione & sudoribus. Demum insensibilis transpirationis defectus & præcipuè Renum obstructio Ascitem pariunt; forsan etiam infarctus pororum exteriorum vesicæ qui aquæ non aëri sunt pervii, ut experientia testatur. Nulla igitur adhibenda fides Paracelsò & Helmontio. Ille Tartarum Aluminosum per resolutionem propriæ naturæ pro unicâ Hydropis causâ agnoscit: hic Renum obstructionem à sanguine concreto, cui ideo per radicem Bryoniæ & Antimonium Diaphoreticum succurrendum esse affirmat: viri in perscrutandis salium, mineralium metallorumque arcanis virtutibus sagacissimi, de partium corporis humani structurâ, usu & concordiâ, quæ sunt secundæ & adversæ valetudinis fundamenta, & de variis morborum causis discernendis, parum solliciti; quorum tamen cognitio maximè Medicum facit & rationalem ab empirico distinguit.

Lib. 1<sup>o</sup>. de  
Tartar.  
cap. VI.  
Tract. ig-  
notus Hy-  
drop. c. 16.  
& 20.

*Non ergo ab Hepatis intemperie Ascites.*

Domini Doctores disputaturi.

M. Joannes Daval.

M. Joannes Boudin.

M. Claudius Guerin, rei  
herbariæ Professor.

M. Claudius Quiquebœuf.

M. Guido Erasmus Emmeret.

M. Carolus le Long.

M. Bertinus-Simon Dieuzevoye.

M. Michael de Hodencq.

M. Ludovicus Morin.

Proponēbat Parisiis JOSEPHUS CHAMBON, Grignianus,  
Baccalaureus Medicus. A. R. S. H. 1696.

---

Apud Franciscum Muguet, Regis & Facultatis Medicinæ Typographum.